

2011
2

卷三 卷四 卷五 卷六

宗一 宗二 宗三 宗四 宗五 宗六

文一 文二 文三 文四 文五 文六

清史稿校註

國史館校註



第二冊

臺灣商務印書館發行

清史稿校註第二冊目錄

卷二十二

本紀二十二

穆宗二

八五三

卷二十三

本紀二十三

德宗一

九〇〇

卷二十四

本紀二十四

德宗二

九六五

卷二十五

本紀二十五

宣統皇帝

一〇二一

卷二十六

志一

天文一

一〇五九

天象

一〇五九

地體

一〇六一

里差

一〇六三

卷二十七

志一

天文二

一〇八〇

儀象

一〇八〇

卷二十八

志三

天文三

一〇八七

日月五星

一〇八七

恆星

一〇八八

黃赤道十二次值宿

一〇八九

昏旦中星

一〇九二

卷二十九

志四

天文四

一〇九五

康熙壬子年恆星黃道經緯度表一

一〇九五

卷三十

志五

天文五

一二二九

康熙壬子年恆星黃道經緯度表二

一二二九

卷三十一

志六

天文六.....一七六

乾隆甲子年恆星黃道經緯度表一.....一一七六

卷三十二 志七

天文七.....一二二〇

乾隆甲子年恆星黃道經緯度表二.....一二二〇

卷三十三 志八

天文八.....一二五七

乾隆甲子年恆星黃道經緯度表三.....一二五七

卷三十四 志九

天文九.....一二八九

乾隆甲子年恆星黃道經緯度表四.....一二八九

卷三十五 志十

天文十.....一三三三

天漢黃道經緯度表.....一三三三

卷三十六 志十一

天文十一.....一三五八

五星合聚

一三五八

卷三十七

志十二

天文十二

一三八二

日食

一三八二

月五星凌犯掩距

一三八五

太白晝見

一三九三

日變月變

一三九六

卷三十八

志十三

天文十三

一三九七

虹蜺暈珥

一三九七

卷三十九

志十四

天文十四

一四一八

客星

一四一八

流隕

一四二〇

雲氣

一四二八

卷四十

志十五

災異一.....一四三三

卷四十一 志十六

災異二.....一五一四

卷四十二 志十七

災異三.....一五三一

卷四十三 志十八

災異四.....一五五四

卷四十四 志十九

災異五.....一五七四

卷四十五 志二十

時憲一.....一六三一

推步因革.....一六三一

卷四十六 志二十一

時憲二.....一六四四

推步算術.....一六四四

卷四十七 志二十二

卷四	時憲三	一六五四
----	-----	------

康熙甲子元法上	志二十三	一六五四
---------	------	------

卷四	時憲四	一六六九
----	-----	------

康熙甲子元法中	志二十四	一六六九
---------	------	------

卷四	時憲五	一六八五
----	-----	------

康熙甲子元法下	志二十五	一六八五
---------	------	------

卷四	時憲六	一六八五
----	-----	------

康熙甲子元法上	志二十六	一六八五
---------	------	------

卷四	時憲七	一六八五
----	-----	------

康熙甲子元法中	志二十七	一六八五
---------	------	------

清史稿校註卷二十二

本紀二十二

穆宗二

六年丁卯春正月己未，任、賴諸匪竄孝感、德安，官軍失利，總兵張樹珊死之。①壬戌，復靖遠。②丙寅，革官文總督，召來京。以李鴻章爲湖廣總督，調李瀚章爲江蘇巡撫，以劉崐爲湖南巡撫。己巳，張錫嶸勦擒匪於西安魚化鎮，死之；劉松山軍大捷。③命喬松年專辦陝西軍務。辛未，命左宗棠爲欽差大臣，督辦陝、甘軍務，賞劉典三品銜，幫辦軍務。④乙亥，哈密回匪竄巴里坤，官軍擊退之。⑤訥爾濟病免，以伊勒屯爲巴里坤領隊大

①案曾忠襄公（國荃）奏議卷二，張樹珊勦擒失利，於德安王家灣陣亡在同治五年十二月二十一日丙午。又案平捻方略，此爲譚廷襄、曾國荃等奏報到京，諭令曾國藩、李鴻章等查明請恤日期，穆宗實錄同。復案本卷自同治六年至十三年，皆以甲子名歲，與本紀體例不合。當改。

②案陝甘新方略，同治五年十二月二十日乙巳，穆圖善據報已將靖遠縣城騰出，擬在長流水一帶呈繳馬匹軍械，聽候安插。此爲穆圖善奏報到京，諭令嚴查妥辦日期。

③案平捻方略，正月初六日辛酉，張錫嶸陣亡於「雨化寨」，劉松山隨即大敗擒匪。此「魚化鎮」當作「雨化寨」。又案喬勦恪公（松年）奏議卷十二，「雨化寨」有作「魚化寨」。

④案清國史穆宗本紀，命左宗棠以欽差大臣督辦陝甘軍務，劉典幫辦軍務在十八日癸酉，穆宗實錄同。

⑤案故宮博物院藏月摺檔，同治五年十二月二十日乙巳辰刻，哈密亂回攻巴里坤漢城，翌日復攻滿漢二城，經何瑄派軍出擊，敗之於二道河，於二十三日戊申東走。又案穆宗實錄，此爲訥爾濟、何瑄奏報到京，諭令李雲麟飭蒙古兵赴援日期。

臣。丙子，命徐繼畲仍在總理各國事務衙門行走，管新設同文館事務。己卯，官軍復鎮雄。⑥

二月乙酉朔，劉銘傳追勦任、賴于鍾祥，失利；鮑超進擊，大敗之。⑦庚寅，命李鴻章督軍赴豫。壬辰，京師疫。⑧甲午，擢劉松山爲廣東陸路提督。丁酉，陝回馬生彥等降。⑨減廣州屬徵收米折銀十九萬有奇，著爲令。乙巳，桂軍復泗城。⑩庚戌，以丁寶楨爲山東巡撫。辛亥，洮州復陷。⑪壬子，雲貴總督勞崇光卒，⑫以張凱嵩代之。

三月丁巳，鄂軍勦賊于蘄水，失利，道員彭毓橘等死之。⑬癸亥，總兵段步雲軍潰於鄆州。⑭戊辰，鮑超累乞病，諭仍赴黃州。乙亥，命倭仁在總理各國事務衙門行走，辭，不允。⑮丁丑，諭李雲麟等安頓新疆難民。辛巳，曹克忠軍復洮州。⑯壬午，回匪馬占鼇等犯西寧。⑰

⑥ 案雲南方略，克復鎮雄州城在同治五年九月二十日丙子。

⑦ 案平捻方略，正月十五日庚午，劉銘傳勦任柱、賴文光於鍾祥，失利；旋鮑超軍至，大敗捻匪。又案穆宗實錄，此爲鮑超奏報到京，諭令各軍勦洗餘匪，鮑超仍速援陝日期。

⑧ 案穆宗實錄，時疫已先流行。此爲諭令太醫院擬方刊刻，散放藥餌日期。

⑨ 案陝甘新方略，馬生彥等降清在正月初八癸亥、初九甲子等日。又案穆宗實錄，此爲穆圖善奏報到京，諭令楊岳斌妥辦安插日期。

⑩ 案穆宗實錄，克復泗城在同治五年十二月初七日壬辰。此爲張凱嵩奏報到京，諭令乘勝勦滅伏莽日期。

⑪ 案陝甘新方略，洮州復陷在同治五年十月十四日己亥。又案穆宗實錄，此爲楊岳斌奏報到京，諭議處失職人員日期。

⑫ 案續碑傳集卷二十六，李元度撰勞文毅公別傳，勞崇光卒於同治六年正月十七日壬申。

⑬ 案曾忠襄公（國荃）奏議卷三，二月十八日壬寅，彭毓橘等失利於蘄水，陣亡。又案清國史穆宗本紀，此爲頒諭優恤日期，平捻方略、穆宗實錄同。

⑭ 案穆宗實錄，此爲喬松年奏報到京日期，「段登雲」軍潰當早於是日，同治朝東華錄同。又「段步雲」當作「段登雲」。

⑮ 案穆宗實錄，不允倭仁所請在二十四日戊寅。

⑯ 案楊勇懋公（厚菴）遺集奏議卷八，克復洮州廳城在同治五年正月二十七日丁亥。又案穆宗實錄，此爲諭獎有功人員日期。

⑰ 案陝甘新方略，馬占鼇等犯西寧在同治五年十一月初四日己未。又案穆宗實錄，此爲玉通奏報到京，諭令妥爲彈壓日期。

是春，免浙江仁和等場被擾逋課、山西平定等處民欠倉穀。

夏四月丁亥，允琉球國子弟入監讀書。予鮑超病假。戊子，何璟軍復哈密。^⑮己丑，周祖培卒。^⑯癸巳，吉林馬賊平。^⑰丙申，日斯巴尼亞使來換約。^⑱壬寅，劉松山大破捻、回於同州。^⑳丙午，贈哈密殉難扎薩克郡王伯錫爾親王，建祠。德勒克多爾濟病免，命麟興爲烏里雅蘇臺將軍，調榮全爲參贊。丁未，瞻對番目大蓋折布伏誅。^㉑庚戌，貴德回匪叛，陷廳城。^㉒

五月甲寅，哈密回匪竄玉門，官軍擊退之。^㉓以旱，命恤難民，育嬰孩，揜暴露，贍陣亡者家屬。戊午，諭廣購書籍，並重刊御纂欽定經史，頒發各學。己未，郭寶昌、劉松山兩軍破張總愚於朝邑。^㉔免郭寶昌遣戍。辛酉，命曾國藩爲大學士，駱秉章協辦大學士。丙寅，詔清理庶獄。丁卯，桂軍復荔波、^㉕義寧。^㉖戊辰，詔求直

^⑮案陝甘新方略，克復哈密在二月二十五日己酉。又案穆宗實錄，此爲何璟奏報到京，諭令文麟、成祿等速往哈密，布置西征，並辦理善後日期。

^⑯案越縵堂文集卷八，李慈銘撰周文勤公神道碑，周祖培卒於四月初四日丁亥。又案穆宗實錄，此爲察例議恤，派員往奠日期。

^⑰案穆宗實錄，十一日甲午，以吉林將軍富明阿奏勦馬賊，諭令嚴防邊界，毋任潛往俄境。吉林馬賊平亦不在初十日癸巳。

^⑱案清末對外交涉條約輯（），同治條約卷六，日斯巴尼亞使來換約在初七日庚寅。

^⑳案平捻方略，劉松山大破捻匪於同州在四月初三日丙戌。此爲庫克吉泰等奏報到京，諭獎劉松山等日期。

^㉑案穆宗實錄、同治朝東華錄皆未載瞻對番目是日伏誅事。此不知所據。

^㉒案陝甘新方略，貴德廳城陷在二月十六日庚子。又案穆宗實錄，此爲楊岳斌奏報到京，諭令迅圖規復日期。

^㉓案陝甘新方略，二月二十三日丁未，玉門縣稟報成祿：「探得哈逆：由安西迤北之黃蘆岡、長流等處東竄。」此爲成祿奏報上情到京，諭令嚴防日期。

^㉔案平捻方略，郭寶昌、劉松山兩軍破張總愚於朝邑在四月初三日丙戌。

^㉕案貴州通志前事志卷三十二，收復荔波在四月十四日丁酉未刻。又案穆宗實錄，此爲張凱嵩奏報到京，諭令酌保出力將弁日期。

^㉖案劉忠誠公（坤一）遺集奏疏卷四，同治五年十一月，捕獲義寧州紅蓮教匪首李觀芬等。又案穆宗實錄，此爲劉坤一奏報到京，諭令嚴緝餘黨日期。又其時義寧州城未失陷，此云收復，欠妥。

言，嚴減宮廷用款。己巳，擒匪渡運河，予丁寶楨嚴議。庚午，賊竄長垣，官軍擊退之。②④癸酉，以勦賊無功，擬會國荃頂戴，與李鶴年下部議，嚴諭李鴻章戴罪圖功。京師地震。庚辰，董福祥陷陝西甘泉。③⑤

六月甲申，總理各國事務衙門言俄人窺伺新疆，下大學士、尚書、左都御史會總理王大臣妥議。丙戌，申禁州縣浮收漕糧。甲午，倭仁乞病，罷職務，仍以大學士直弘德殿。乙未，官軍敗擒匪於卽墨。③①庚子，順、直久旱，饑，賑恤之。允鮑超回籍。辛丑，李鴻章檄劉銘傳、潘鼎新等軍防運河，扼膠、萊。命成祿節制黃祖淦、王仁和兩軍。以畿內亢旱，撥閩、廣、贛釐捐三十萬，浙、閩海關洋稅三十五萬備賑需。③②癸卯，甘回陷陝西華亭，旋復之。③③丁未，免昌平例貢果品。己酉，自三月不雨以來，上頻祈雨，至是日雨。③④是月，免陝西乾州等屬災擾額賦。

秋七月己未，雨。陝軍復甘泉。③⑤庚午，永定河決。③⑥己卯，以擒匪過膠萊河，諭各路扼守河、運兩防，奪丁寶楨職，仍留任。是月，免湖南晃州被擾逮賦。

八月丙戌，停奉天冬圍。戊子，湖北匪首劉漢忠伏誅。③⑦庚寅，命黎培敬會辦貴州勦撫及屯田事宜。壬辰，

②④ 案劉武慎公（長佑）遺書奏稿卷十三，五月初八日庚申，擒匪竄至長垣東岸之竹林口，旋被擊退。

③⑤ 案陝甘新方略，甘泉縣城失陷在三月二十八日壬午，穆宗實錄同。此為穆圖善奏報到京，諭令迅圖克復日期。

③① 案丁文誠公（寶楨）遺集奏稿卷二，敗擒匪於卽墨在六月初六日戊子。又案平捻方略，此為丁寶楨奏報到京，諭令各軍追勦竄匪日期。

③② 案穆宗實錄，准李鴻章檄劉銘傳等防運河，成祿節制黃祖淦等軍，及撥釐捐、關稅備賑俱在二十日壬寅。

③③ 案陝甘新方略，華亭陷在四月初八日辛卯，旋翌日收復。又案穆宗實錄，此為穆圖善奏報到京，諭令添兵往守日期。

③④ 案穆宗實錄，久旱初雨在二十六日戊申。此為頒諭將於翌日親詣高殿拈香，以答神庥日期。

③⑤ 案穆宗實錄，此為據穆圖善奏收復甘泉縣城，諭飭所部勉力進取日期。

③⑥ 案穆宗實錄，永定河決在初九日庚申。此為諭令劉長佑派員查勘堵築，妥籌撫恤日期。

③⑦ 案穆宗實錄，劉漢忠已先正法。此為巴揚阿等奏報到京，諭續追查在逃要犯，勿究脅從日期。

奉軍勦平孤山、法庫等處賊匪。³⁸辛卯，署貴州提督趙德光勦賊於安平，死之。³⁹丙申，穆隆阿等軍勦梟匪於文安，失利。⁴⁰濟陽土匪作亂，勦平之。⁴¹丁酉，迤西回犯姚州。⁴²戊戌，貴州巡撫張亮基開缺嚴議，命曾璧光署之，布政使嚴樹森以逗遛褫職。壬寅，召陳國瑞來京。丙午，以淮、楚各軍所至騷擾，⁴³諭李鴻章嚴申軍律。己酉，裁熱河木稅。庚戌，創建福建船塢。⁴⁴

九月壬子，允左宗棠調曹克忠赴陝。丙辰，賴、任諸匪犯運河，牛師韓軍擊退之。⁴⁵丁巳，河、狄、西寧回眾投誠。⁴⁶庚申，停山東例貢。辛酉，安置額魯特游牧於額爾齊斯河。甲子，總理各國事務衙門言預籌修約事，諭曾國藩等各抒所見以聞。⁴⁷己巳，命丁日昌赴上海辦理義國換約。⁴⁸壬申，撫恤巫山被水災民。丁丑，命榮全

³⁸案穆宗實錄，以都興阿奏勦孤山、法庫竄匪，諭令乘勝殲除在十三日癸巳。孤山、法庫賊平亦不在十二日壬辰。

³⁹案咸同貴州軍事史第三編下，趙德光陣亡在七月初五日丙辰。

⁴⁰案故宮博物院藏月摺檔，官軍勦賊文安失利在六月十二日甲午。又案穆宗實錄，此為據「穆騰阿」奏報，諭令親督各隊勦擊日期。又「穆隆阿」作「穆騰阿」。

⁴¹案丁文誠公（寶楨）遺集奏稿卷三，七月二十七日戊寅，破濟陽王家塚大寺，斃匪三百餘，擒匪首王長吉等，亂平。又案同治朝起居注冊，此為丁寶楨奏報到京，議敘有功人員日期。

⁴²案雲南方略，四月二十九日壬子，戰回匪於姚州城外，失利。又案穆宗實錄，此為宋延春奏報到京，諭授方略日期。

⁴³驛騷 案清史館穆宗本紀稿作「騷擾」。

⁴⁴案同治朝籌辦夷務始末，福建馬尾船塢已先興工。此為沈葆楨奏報查勘修建情形到京，諭以事屬首創，當勉力妥辦日期。

⁴⁵案平捻方略，八月十九日己亥、二十日庚子兩日，任柱、賴文光於宿遷附近搶渡運河，為牛師韓軍擊退，至二十一日辛丑全行北去，運防解嚴。此為英翰奏報到京，諭令各軍追勦日期。

⁴⁶案故宮博物院藏月摺檔，穆圖善奏云：「六月二十一日（癸卯）前奏拜發後，旋即有河、狄回眾具稟乞撫。」其時應在六月下旬。又案左文襄公全集奏稿卷二十三：「傳聞穆圖善於八月十六日（丙申）勒兵出郭，受河、狄逆回之降，倉卒被賺，陣亡提、鎮、參、遊數人，弁兵多名。」則河、狄回眾乞撫實有詐。又案清國史穆宗本紀，此為據穆圖善奏報，諭以賊情難測，勿為奸謀所誤日期。

⁴⁷案清國史穆宗本紀，為預籌修約事，諭曾國藩等各抒所見在十五日乙丑，穆宗實錄、同治朝東華錄同。
⁴⁸案穆宗實錄，命丁日昌辦理義國換約在二十日庚午；同治朝東華錄繫於十九日己巳，此沿之，誤。

與棍噶札拉參^{④⑨}籌辦哈薩克勦撫機宜。己卯，命馮子材赴左江，專辦南、太軍務。賑襄陽等府災民。

冬十月癸未，諭各路統兵大臣及各督撫嚴申軍律。甲申，察哈爾都統色爾固善卒，以庫倫辦事大臣文盛代之。乙酉，以張廷岳爲庫倫辦事大臣。丙戌，陝軍復寧條梁及宜君。^{⑤①}飭席寶田軍赴沅州，統援黔軍務。壬辰，迤西回陷定遠、大姚。^{⑤②}癸巳，汪元方卒。^{⑤③}命沈桂芬在軍機大臣上學習行走。^{⑤④}丙申，曾國荃病免，以郭柏蔭爲湖北巡撫，蘇鳳文爲廣西巡撫。賑恤山東被水災民。^{⑤⑤}乙巳，派美使蒲安臣往有約各國辦理中外交涉。^{⑤⑥}己酉，回匪陷寶雞、正寧，旋復之。^{⑤⑦}

十一月庚戌朔，命道員志剛、郎中孫家穀往有約各國充辦理交涉事務大臣。壬子，劉銘傳等軍勦賊贛榆，大

④⑨ 案穆宗實錄，命榮全與「棍噶札勒參」籌辦哈薩克勦撫事宜在二十八日戊寅。又「棍噶札拉參」、「棍噶札勒參」，爲同音異譯。

⑤① 案左文襄公全集奏稿卷二十二，馬賊於八月初三日癸未辰刻衝入寧條梁，旋被逐出；於二十五日乙巳入宜君，又以清軍將至，旋退；至二十七日丁未，清軍劉厚基部入宜君。又案陝甘新方略，此爲左宗棠、喬松年奏報到京，諭令堵扼馬賊回竄日期。

⑤② 案雲南方略，六月二十六日戊申定遠縣城陷，七月初三日甲寅大姚縣城陷。又案清國史穆宗本紀，此爲諭令張凱嵩迅圖規復日期。

⑤③ 案汪元方卒於十月初六日乙酉，見翁同龢日記同治十年是月日條。又案穆宗實錄，此爲賞銀治喪，派員往奠，並予贈官日期。

⑤④ 案清史稿軍機大臣年表下，命沈桂芬在軍機大臣上學習行走在十五日甲午，清國史穆宗本紀、穆宗實錄、同治朝東華錄同。

⑤⑤ 案清國史穆宗本紀，賑恤山東災民在二十四日癸卯，穆宗實錄同。

⑤⑥ 案斯時蒲安臣已卸美國公使任。此「美使」當作「美前使」。

⑤⑦ 案左文襄公全集奏稿卷二十二，十月初六日乙酉正寧陷，至初九日戊子收復；十一日庚寅寶雞陷，至十六日乙未收復。又案陝甘新方略，此爲左宗棠奏報到京，諭令相機進剿日期，穆宗實錄同。

捷，任柱伏誅。^{⑤7}癸丑，以梟匪蔓延，褫劉長佑職，仍責自效。命官文署直隸總督。丙辰，陝軍勦擒洛川，遇回匪，失利，提督李祥和死之。^{⑤8}癸亥，張總愚陷延川、綏德。^{⑤9}甲子，增設布倫托海辦事大臣，以李雲麟爲之，明瑤爲幫辦，福濟爲科布多幫辦。甲寅，劉銘傳軍勦賊於諸城，大捷。^{⑥0}丁丑，陝軍復延川、綏德。^{⑥1}

十二月壬午，張總愚竄吉州，左宗棠、趙長齡均褫職留任。成祿勦回匪於肅州，失利，總兵黃祖淦死之。^{⑥2}癸未，賞陳國瑞頭等侍衛，隸左宗棠軍。^{⑥3}劉銘傳等勦賊於壽光，大捷。^{⑥4}迤西回陷祿豐、廣通、元謀。^{⑥5}己丑，官軍復吉州。^{⑥6}壬辰，直隸梟匪平。^{⑥7}甲午，賞劉長佑三品頂戴，命率所部回籍。永定河堤工合龍。^{⑥8}丙申，

^{⑤7}案李文忠公全集奏稿卷十二，十月二十四日癸卯，劉銘傳等大捷於贛榆，擊斃任柱。又案平捻方略，此爲李鴻章奏報到京，論獎有功人員日期，穆宗實錄同。

^{⑤8}案左文襄公全集奏稿卷二十三，十月十九日戊戌，勦擒洛川失利，提督李祥和陣亡。又案陝甘新方略，此爲左宗棠奏報到京，諭予李祥和祭葬，賜諡武壯日期。

^{⑤9}案左文襄公全集奏稿卷二十三，十月二十二日辛丑延川陷，二十七日丙午夜綏德陷。又案平捻方略，此爲左宗棠奏報到京，交部議處日期，穆宗實錄同。

^{⑥0}案李文忠公全集奏稿卷十二，劉銘傳軍勦擒於諸城、濰縣在十一月初七丙辰至十一庚申等日。

^{⑥1}案平定關隴紀略卷四，克復延川在十月二十八日丁未，克復綏德則在十一月初九日戊午。

^{⑥2}案陝甘新方略，自十一月庚戌朔起，成祿等屢攻肅州不克；至十七日丙寅，總兵黃祖淦陣亡。又案清國史穆宗本紀，此爲予黃祖淦從優議恤日期。

^{⑥3}案清國史穆宗本紀，命陳國瑞發往山東軍營，交巡撫丁寶楨差委，穆宗實錄同。此當據改。

^{⑥4}案李文忠公全集奏稿卷十二，壽光大捷在十一月二十九日戊寅，此爲李鴻章自山東奏報日期，平捻方略、穆宗實錄同。

^{⑥5}案岑襄勤公年譜，廣通、祿豐陷於八月，元謀陷於十月，光緒續雲南通志稿卷八十二同。又案清國史穆宗本紀，諭劉嶽昭等迅圖規復在初八日丁亥，穆宗實錄同。

^{⑥6}案平捻方略，克復吉州在十一月二十六日乙亥。此爲趙長齡奏報到京，諭令各軍由東面兜勦竄匪日期。

^{⑥7}案穆宗實錄，此爲據官文奏報勦敗梟匪，殘餘梟匪竄入山東，直境肅清，諭令續行追勦日期。又案丁文誠公（寶楨）遺集奏稿卷四，斯股梟匪於十一月二十一日庚午竄入山東德州，旋進旋出；至十二月初六日乙酉，復由吳橋入德州，於翌日盡殲於夏津。

^{⑥8}案永定河續志卷十二，永定河南上汛灰壩合龍在十月二十四日癸卯。又案穆宗實錄，此爲官文奏報到京，諭准會河道妥議籌款日期。

命蔣益澧以按察使候補，隸左宗棠軍，率楚勇回籍。丁酉，駱秉章卒。⁶⁹劉松山等敗張總愚於洪洞。⁷⁰調吳棠爲四川總督，以馬新貽爲閩浙總督，李瀚章調浙江巡撫，丁日昌爲江蘇巡撫。戊戌，淮軍勦賊高郵，大捷，獲賴文光等，誅之。⁷¹辛丑，東捻平，加賁李鴻章、曾國藩世職，賞劉銘傳、英翰及郭松林、楊鼎勳、善慶世職有差，復曾國荃頂戴。壬寅，以左宗棠督師入晉，命庫克吉泰、喬松年、劉典督辦陝西軍務。甲辰，命楊占鼐署甘肅提督，接辦西路軍務。戊申，左宗棠檄喜昌、劉松山等赴磁州迎勦。諭張曜、劉銘傳等會勦。己酉，命鄭敦謹往山西查辦事件。⁷²是月，免浙江仁和等場末墾竈課，雲南嵩明等屬歉收額糧。

是歲，朝鮮、琉球入貢。

七年戊辰春正月庚戌朔，捻首李允等率眾降於盱眙，詔誅之，遣散餘眾。命朱鳳標協辦大學士。乙卯，回匪復陷正寧。⁷³丙辰，喜昌等擊張總愚於河內，大捷。⁷⁴西寧回陷北川。⁷⁵李雲麟乞病，不許。以錫綸爲布倫托海幫辦大臣。辛酉，張總愚北竄定州，⁷⁶保定戒嚴，官文、左宗棠均視職留任。諭玉亮統神機營兵勦賊。壬戌，張

⁶⁹ 案駱文忠公奏議續刻四川奏議所附李光廷撰駱文忠公行狀，駱秉章卒於十一月十七日丙寅。又案穆宗實錄，此爲贈官，察例議恤，准建專祠日期。

⁷⁰ 案左文襄公全集奏稿卷三十四，劉松山等敗張總愚於洪洞在初四日癸未，平捻方略同。

⁷¹ 案平捻方略，淮軍勦捻大捷，俘賴文光等在十一日庚寅。此爲據張之萬奏報，諭令訊明賴文光後就地正法日期。

⁷² 案穆宗實錄，命鄭敦謹往山西查辦事件在十八日丁酉。

⁷³ 案左文襄公全集奏稿卷二十二，正寧於同治六年十月初六日乙酉失陷，初九日戊子收復，至此未嘗再陷。又案穆宗實錄，此爲以前失陷事，諭革職逮問知縣黃紹薪日期。

⁷⁴ 案左文襄公全集奏稿卷二十五，河內大捷在同治六年十二月二十一日庚子。又案平捻方略，此爲左宗棠奏報到京，諭令擇優保獎有功各員日期。

⁷⁵ 案陝甘新方略，北川陷於同治六年十二月十七日丙申。又案穆宗實錄，此爲玉通奏報到京，諭令穆圖善催蔣凝學前赴西寧，與玉通商酌規復日期。

⁷⁶ 案平捻方略，張總愚北竄至定州在初八日丁巳。

總愚犯清苑，劉松山、郭寶昌等軍繞賊前勦之，予優敘。陳國瑞、宋慶、張曜均以軍至保定。^⑦達賴請有裏塘犯東登工布死罪，允之。命賈楨等設團防總局。^⑧癸亥，諭令天津洋槍、練軍各隊赴河間，與山東軍聯絡防勦。甲子，李鴻章遣周盛波等軍北援。^⑨趣左宗棠赴保定以北督勦。命恭親王會同神機營王大臣辦巡防。壬申，允英翰入衛畿疆，命統牛師韓軍駐黃河以南。飭程文炳軍赴河間會勦。癸酉，張總愚陷饒陽，旋復之。^⑩賈楨以病致仕。乙亥，命左宗棠總統各路官軍。

二月辛巳，官軍復渭源。^⑪癸未，命恭親王節制各路統兵大臣。戊子，回匪復陷寧條梁。^⑫己丑，回匪竄伊克巴沙爾，官軍擊退之。^⑬觀趙長齡、陳湜職，遣戍。^⑭壬辰，陝軍復寶雞。^⑮癸巳，滇軍解鎮雄圍。迤西回陷楚雄。^⑯乙未，豫、皖各軍敗張總愚于束鹿。^⑰庚子，左宗棠、李鴻章等軍勦賊，迭破之。^⑱回匪陷懷遠、神木

^{⑦⑦}案平捻方略，初十日己未，張總愚犯清苑，翌日劉松山、郭寶昌援軍至，旋十二日辛酉，張曜、宋慶軍亦至。

^{⑦⑧}案清國史穆宗本紀，命賈楨籌辦團防總局在十四日癸亥，穆宗實錄同。

^{⑦⑨}案李文忠公全集奏稿卷十三，正月十二日辛酉，李鴻章在濟寧啓奏，已檄調周盛波各軍前來會師，再北上赴援。又案平捻方略，此爲李鴻章奏報到京，諭令督軍兼程前進日期。

^{⑦⑩}案平捻方略，十九日戊辰饒陽陷，至二十二日辛未收復。此爲官文奏饒陽失陷之訊到京，諭令各軍會勦日期。

^{⑦⑪}案陝甘新方略，同治六年十二月十二日辛卯復渭源。又案穆宗實錄，此爲穆圖善奏報到京，諭令乘勝進規官堡日期。

^{⑦⑫}案陝甘新方略，寧條梁復陷在正月初三日壬子。又案穆宗實錄，此爲德勒克多爾濟奏報到京，諭令金順迅圖規復日期。

^{⑦⑬}案陝甘新方略，擊退竄至「伊克沙巴爾」回眾在正月初六乙卯、初七丙辰兩日。又案穆宗實錄，此爲德勒克多爾濟奏報到京，諭令相機堵勦日期。又「伊克沙巴爾」當作「伊克沙巴爾」。

^{⑦⑭}案穆宗實錄，趙長齡、陳湜奉旨革職在十二日庚寅，同治朝東華錄同。

^{⑦⑮}案陝甘新方略，正月間收復寶雞縣城。又案穆宗實錄，此爲庫克吉泰等奏報到京，諭准出力各員彙案存記日期。

^{⑦⑯}案雲南方略，同治六年十一月初十日己未，「鎮沅」廳城解圍；至二十一日庚午，楚雄府城失守。此爲宋延春奏報到京，諭令獎懲有關人員日期。又「鎮雄」當作「鎮沅」。

^{⑦⑰}案丁文誠公（寶楨）遺集奏稿卷四，敗張總愚於束鹿在初九日丁亥。又案平捻方略，此爲丁寶楨奏報到京，諭授方略日期。

^{⑦⑱}案左文襄公全集奏稿卷二十五、李文忠公全集奏稿卷十三，左宗棠、李鴻章所部各軍勦擒獲勝於深州、安平等地在初十戊子至十七乙未等日。又案平捻方略，此爲左宗棠、李鴻章奏報到京，諭令各軍乘勝兜勦，一鼓殲除日期，穆宗實錄同。